

Strane u okvirnom sporazumu:

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, koje zastupa ministar Admir Katica, (u daljem tekstu: Ugovorni organ)

"R&S" D.O.O. SARAJEVO, ulica Igmanska bb, kojeg zastupa direktor Kemal Selmanagić (u daljem tekstu: Dobavljač)

saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH", broj 39/14) proveo otvoreni postupak za nabavku higijensko potrošnog materijala, sa ciljem zaključivanja okvirnog sporazuma sa jednim ponuđačem na period od 24 mjeseca;
- Nabavka je izvršena na osnovu Odluke broj 01-11-4-2696 od 26.05.2021. godine i Obavještenja o nabavci broj 1364-1-1-21-3-15/21 od 02.06.2021. godine;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj 16665/21 od 23.06.2021. godine.

Ugovorni organ i Dobavljač sklapaju:

OKVIRNI SPORAZUM

Član 1.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci higijensko potrošnog materijala u skladu sa uslovima iz tenderske dokumentacije, ponudom Ponuđača, odredbama okvirnog sporazuma i stvarnim potrebama Ugovornog organa.

Količine navedene u specifikaciji su okvirne i vrijede za vrijeme važenja okvirnog sporazuma.

Ukupna vrijednost okvirnog sporazuma bez PDV-a iznosi 154.276,64 KM, (stotinupedesetčetirihiljaddevijestotinesedamdesetšest i 64/100 KM).

Cijene su fiksne i ne mogu se mijenjati za vrijeme važenja okvirnog sporazuma.

Član 2.

Nakon zaključivanja okvirnog sporazuma, Ugovorni organ će zaključiti pojedinačne ugovore o javnim nabavkama.

Pri zaključivanju pojedinačnih ugovora, ne mogu se mijenjati bitni uslovi iz okvirnog sporazuma.

Član 3.

Ugovorni organ će ugovorenu cijenu plaćati u roku od 30 (trideset) dana po dostavljanju fakture.

Član 4.

Dobavljač je dužan da isporuči robu u roku koji će biti definisan pojedinačnim ugovorom o javnoj nabavci koji zakluče Ugovorni organ i Ponuđač, u skladu sa ovim okvirnim sporazumom i prema uslovima prihvaćene ponude.

Član 5.

Ponudač se obavezuje da ugovorenu isporuku roba izvrši u roku od tri (3) dana od dana prijema narudžbenice.

Roba će se isporučiti na adresu Ugovornog organa, Zmaja od Bosne 9, 71000 Sarajevo.

Prilikom isporuke robe koja je predmet ovog okvirnog sporazuma, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu za isporučenu robu (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe u magacinu. O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). Zapisnik se sačinjava u dva istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača. Sve primjedbe na izvršenu isporuku će biti konstatovane u zapisniku. Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Član 6.

Ukoliko poslije zaključivanja okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Okvirni sporazum se zaključuje na period od 24 mjeseca, a stupa na snagu danom obostranog potpisivanja.

Član 8.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, utvrđuje se nadležnost suda u Sarajevu.

Član 9.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
"R&S" d.o.o. Sarajevo
direktor, Kemal Selmanagić

Broj: 461/2021
Datum: 26.07.2021.

UGOVORNI ORGAN
MUP KANTONA SARAJEVO
Ministar, Admir Katina

Broj: 01-14-4-2696-5
Datum: 26.07.2021. godine